



群書台要

漢書門類			
二七三五	函號	一三四	架
四七	冊	一〇	冊

內閣文庫			
二七三五	類	四七	冊
三	函	一〇	冊

內閣文庫	
番號	漢 2735
冊數	47 (34)
函號	297 21





羣書治要卷第三十七

淺草文庫

秘書監鉅鹿男臣魏徵等奉勅撰

孟子

慎子

尹文子

莊子

尉繚子

孟子

梁惠王

孟子見於梁惠王王曰叟不遠千里而來亦將有以利吾國乎孟子對曰王何必曰利亦



曰仁義而已矣

王何必以利為名乎亦唯有仁義之道者可以利為名耳

以利為名則有不

利之患矣王曰何以利吾國大夫曰何

以利吾家士庶人曰何以利吾身上下交征

利而國危矣

征取也從王至庶人各欲取利其利必至於篡殺

未有

仁而遺其親未有義而後其君者也梁惠王

曰寡人願安承教

願安意承受孟子之教命

孟子對曰殺

人也以撻與刃有以異乎

撻杖也

曰無以異也

以刃與以政有以異乎曰無以異也

以刃與政殺人

無異也

廐有肥馬民有飢色野有餓殍此率獸

而食人也獸相食人且惡之為民父母行政

不免率獸而食人惡在其為民父母也

為政乃若

率禽獸食人安在其為民父母之道

齊宣王問曰文王之囿方

七十里有諸孟子曰有之曰若是其大乎

王惟

其大曰民猶以為小也曰寡人之囿方四十里

耳民以猶為大何也曰文王之囿方七十里

芻蕘者往焉雉菟者往焉與民同之民以為

小不亦宜乎臣聞郊關之內有圍方四十里

殺其麋鹿者如殺人之罪郊關齊四境之則

是以四十里為阱於國中也民以為大不亦

宜乎設陷阱者丈尺之間耳今陷阱乃方四十里民患其大不亦宜乎

公孫丑

孟子曰人皆有不忍人之心言人人皆有不忍加惡於人之

也先王有不忍人之心斯有不忍人之政矣

以不忍人之心行不忍人之政治天下可運

之於掌上先聖推不忍害人之心以行不忍傷民之政以是治天下亦易於轉

凡於掌上所以謂之人皆有不忍人之心者今

有乍見孺子將入於井則皆有怵惕惻隱之

心由此觀之無惻隱之心非人也無羞惡之

心非人也無辭讓之心非人也無是非之心

非人也言無此四者當若禽獸非人之心也惻隱之心仁之端

也羞惡之心義之端也辭讓之心禮之端也

是非之心智之端也端者首也人之有是四端也

猶其有四體也有是四端而自謂不能者自

賊者也自賊害其至謂其君不能者賊其君

者也謂其君不能為善而不正者賊其君使陷惡者也孟子曰矢人

豈不仁於函人哉矢人唯恐不傷人函人唯

恐傷人巫匠亦然故術技不可不慎矢箭也函鎧也

作箭之人其性非獨不仁於作鎧之人也術使之然巫欲祝活人匠作棺欲其卑售利在

人死也故治術不可不慎修其善者也孟子曰子路人告之以

其過則喜禹聞善言則拜大舜又甚焉善與

人同舍己從人樂取於人以為善耕稼陶漁

以至為帝無非取於人者取諸人以為善是

與人為善也故君子莫大乎與人為善舜從耕於

歷山及陶漁皆取人之善謀而從之故曰莫大乎與人為善也

滕文公

陳相見孟子道許行之言曰賢者與民並耕

而食孟子曰天下有大人之事有小人之事

或勞心或勞力勞心者治人勞力者治於人

故能治人者食人不能治人者食於人天下

之通義

勞心者君也勞力者民也君施教以治之民竭力治公田以奉食其上天下

下通義所常行也

當堯之時洪水橫流汎濫於天下

堯獨憂之舉舜而治焉舜使禹疏九河決汝

漢八年於外三過其門而不入雖欲耕得乎

堯以不得舜為己憂舜以不得禹皋陶為己

憂分人以財謂之惠教人以善謂之忠為天

下得人謂之仁是故以天下與人易為天下

得人難

離婁

孟子曰離婁子之明公輸子之巧不以規矩

不能為方圓師曠之聰不以六律不能正五

音堯舜之仁不以仁政不能平治天下

言當行仁

思之政天下乃可平

今有仁心仁聞而民不被澤不可

法於後世者不行先王之道也

人心性仁也仁聞仁聲遠

聞也雖然猶須行先王之道使百姓被澤乃可為後世法也

故曰徒善不

足以為政徒法不能以自行

但有善心而不行之不足以為

政但有善法度而不施之法度亦不能獨自行

聖人既竭目力焉繼

之以規矩準繩以為方圓既竭耳力焉繼之

以六律正五音既竭心思焉繼之以不忍人

之政而仁覆天下也故為高必因丘陵為下

必因川澤為政不因先王之法可謂智乎

因言

自然即用力少而成功多

是以惟仁者宜在高位不仁而

在高位是播惡于眾也

仁者能由先王之道不仁者逆道則播揚

其惡於眾人也

孟子曰三代之得天下也以仁其失天下也

以不仁國家之所以廢興存亡者亦然天子

不仁不保四海之內諸侯不仁不保社稷卿

大夫不仁不保宗廟士庶人不仁不保四體

今惡死亡而樂不仁猶惡醉而強酒

孟子告齊宣王曰君之視臣如手足則臣之

視君如腹心君之視臣如犬馬則臣之視君

如國人君之視臣如土芥則臣之視君如寇

讎芥草芥也臣緣君以為差等

告子

孟子曰今有無名之指屈而不申非疾痛害

事如有能申之者則不遠秦楚之路為指之

不若人也無名之指手第四指也餘指皆指有名無名指非手之用指也

不若人則知惡之心不若人則不知惡此之

謂不知類心不若人可惡之大者也而反惡指故曰不知類類事也

孟子曰仁之勝不仁也猶水之勝火也今為

仁者猶以一杯水救一車薪之火也不息則

謂水不勝火者猶以此杯與於不仁之甚者

也

孟子曰五穀種之美者也苟為不熟不如莠

草夫仁亦在熟之而已矣熟成也

盡心

孟子曰以佚道使民雖勞不怨謂教民趣農役不使失業

當時雖勞後獲其利則逸矣以生道殺民雖死不怨殺者

殺此罪人者其意欲生人也故雖伏罪而死不怨殺者也

慎子

天有明不憂人之闇也地有財不憂人之貧也聖人有德而不憂人之危也天雖不憂人之闇也關戶牖必取己明焉則天無事也地雖不憂人之貧也伐木刈草必取己富焉則地無事矣聖人雖不憂人危也百姓準上而

比於其下必取己安焉則聖人無事矣故聖

人處上能無害人不能使人無己害也則百

姓除其害矣聖人之有天下也受之也非取

之也有光明之德故百姓推而與之耳豈其心哉百姓之於聖人

也養之也非使聖人養己也則聖人無事矣

毛嫱西施天下之至姣也衣之以皮傾則見

之者皆走荀卿曰仲尼之狀面若象顛易之以玄緡則行

者皆止緡謂細布由是觀之則玄緡色之助也姣

者辭之則色厭矣走背跋踰窮谷野走千里

藥也走背辭藥則足廢

理有相須而作事有待具而成故雖資傾

城之巔必俟衣裳之飾雖挺越常之足必假藥物而疾故有才無勢將顛墜於溝壑有勢

無才亦騰乎風雲萬動云云咸皆然耳故騰虵遊霧飛龍乘雲

雲罷霧霽與蚺蚓同則失其所乘也故賢而

屈於不肖者權輕也不肖而服於賢者位尊

也堯為匹夫不能使其隣家至南面而王則

令行禁止由此觀之賢不足以服不肖而勢

位足以服不肖而勢位足以屈賢矣故無名

而斷者權重也弩弱而矜高者乘於風也身

不肖而令行者得助於眾也故舉重越高者

不慢於藥愛赤子者不慢於保絕險歷遠者

不慢於御此得助則成釋助則廢矣夫三王

五伯之德參於天地通於鬼神周於生物者

其得助博也古者工不兼事士不兼官工不

兼事則事省事省則易勝士不兼官則職寡

職寡則易守故士位可世工事可常

古之宰物皆用

其一能以成其一事是以用無弄人使無弃才若乃任使於過分之中役物於異便之地則上下顛倒百工之子不學而能者非生巧事能淆亂矣

也言有其常事也今也國無常道官無常法

是以國家日繆教雖成官不足官不足則道

理匱道理匱則慕賢智慕賢智則國家之政

要在一人之心矣

人之情也莫不自賢則不相推政要在一人從一人

之所欲不必善則政教陵遲矣古者立天子而貴之者非以

利一人也曰天下無一貴理無由通通理以

為天下也故立天子以為天下也非立天下

以為天子也立國君以為國也非立國以為

君也立官長以為官也非立官以為長也法

雖不善猶愈於無法

所以一人之心也

夫技鈎分財投

策分馬非鈎策為均也使得美者不知所以

賜得惡者不知所以怨此所以塞怨望使不

上也明君動事必由惠定罪分財必由法行

德制中必由禮

法者所以愛民禮者所以更事故欲不得干

時

必於農隙也

愛不得犯法

當官而行

貴不得踰規祿

不得踰位惠不得兼官工不得兼事以能受

事以事受利若是者上無羨賞民無羨財

猶羨

也溢

因脩

天道因則大

因百姓之情遂自然之性則其功至高其道至大也

化則

細

化使從我物所樂其理禍狹其德細小也

因也者因人之情也

人莫不自為也化而使之為我則莫可得而

用矣

違性矯情引彼就我則忿戾乖違莫有從之者矣

是故先王不

受祿者不臣祿不厚者不與入難人不得其

所以自為也則上不取用焉

夫君上取用必須天機之動性

分之通然後上下交泰經世可久耳故放使自為則無不得仕而使之則無不失矣故

用人之自為不用人之為我則莫不可得而

用矣此之謂因

民雜

民雜處而各有所能所能者不同此民之情

也故聖人不求備於一人也大君者大上也兼畜下者也

下之所能不同而皆上之用也是以大君因

民之能為資盡苞而畜之無去取焉夫人君之御世

也皆曲盡百姓之能兼羅萬物之分因其長短就而用之使能父者為父能武者為武聾

者使其聽盲者使其視是故不設一方以求

於人故所求者無不足也大君不擇其下故

足也不擇其下則易為下矣易為下則下莫

不容莫不容故多下多下之謂大上其下既多故在

上者君臣之道臣事事言事其所事而君無事百官

之屬各司君逸樂而臣任勞臣盡智力以善其

事而君無與焉仰成而已故事無不治人君

自任而務為善則是代下負任蒙勞也臣反

逸矣故曰君人者好為善以先下則不敢與

爭為善以先君矣君好見其善則群下皆溢善於君矣上以一方之善

而施於眾方之中求其為瞻偏已多矣君偏既多而臣韜其善則天下亂矣

皆私其所知以自覆掩有過則臣反責君逆

亂之道

夫所以置三公而列百官者將使群臣各進所知以康庶績耳若乃君顯

其善而臣蔽其能百事從君而出衆端自上下而下則臣善不用而歸惡有在矣君之

智未必最賢於衆也以未最賢而欲以善盡

被下則不瞻矣

假使其賢猶不可推一己之智以察群下而况不最賢

若使君之智最賢以一君而盡瞻下則勞勞

則有倦倦則衰衰則復反於不瞻之道也是

以人君自任而躬事則臣不事事矣

言君之專荷其

事則臣下不復以事為事矣

是君臣易位也謂之倒逆倒

逆則亂矣人君任臣而勿自躬則臣事事矣

是君臣之順治亂之分不可不察

所謂任人者逸自任

也者勞

知忠

亂世之中亡國之臣非獨無忠臣也治國之

中顯君之臣非獨能盡忠也治國之人忠不

偏於其君亂世之人道不偏於其臣然而治

亂之世同世有忠道之人臣之欲忠者不絕

世而君未得寧其上夫滅亡之國皆有忠臣耳然賢君千載一會忠

臣世世有之值其一隆之時則相與而交無與矣遇其昏亂之主則相與而俱已矣

遇比干子胥之忠而毀瘁主君於閻墨之中

遂染溺滅名而死由是觀之忠未足以救亂

世而適足以重非何以識其然也曰父有良

子而舜放瞽叟桀有忠臣而過盈天下然則

孝子不生慈父之義六親不和而忠臣不生

聖君之下國家昏亂有貞臣也故明主之使其臣也忠

不得過職而職不得過官是以過脩於身而

下不敢以善驕矜守職之吏人務其治而莫

敢淫偷其事官正以敬其業和吏人務其治

而莫敢淫偷其事官正以順以事其上如此

則至治已此五帝三王之業也亡國之君非一人之罪

也惡不衆則不足治國之君非一人之力也

善不多則不足將治亂在乎賢使任職而不在

於忠也故智盈天下澤及其君忠盈天下害
及其國故樂之所以亡堯不能以為存然而
堯有不勝之善言其善道不可勝言也而樂有運柝之
名天下之惡皆版之也則得人與失人也故廊廟之材
蓋非一木之枝也狐白之裘蓋非一狐之皮
也治亂安危存亡榮辱之施非一人之力也
德

立天子者不使諸侯疑焉立諸侯者不使大
夫疑焉立正妻者不使嬖妾疑焉立嫡子者
不使庶孽疑焉疑則動兩則爭雜則相傷害
在有與不在獨也故臣有兩位者國必亂臣
兩位而國不亂者君猶在也恃君而不亂失
君必亂子有兩位者家必亂子有兩位而家
不亂者親猶在也恃親而不亂失親必亂臣
疑其君無不危之國孽疑其宗無不危之家
君人

君人者舍法而以身治則誅賞奪與從君心

出矣然則受賞者雖當望多無窮受罰者雖

當望輕無已民之所信者法也今在賞者欲多在罰者欲少無法以限之則

不知所論矣雖極聰明以窮輕重心以班奪與夫何解於怨望哉君舍法而

以心哉裁輕重則是同功而殊罰也怨之所

由生也是以分馬者之用策分田者之用鈞

也非以鈞策為過人智也所以去私塞怨也

故曰大君任法而弗躬為則事斷於法矣法

之所加各以其分蒙其賞罰而無望於君也

是以怨不生而上下和矣

君臣

為人君者不多聽物有本據法倚數以觀得

失無法之言不聽於耳無法之勞不圖於功

無勞之親不任於官官不私親法不遺愛上

下無事唯法所在法令者生民之命至治之命天下之程式萬事之儀

表智者不得過愚者不得不及焉

尹文子

大道

古人以度審長短以量受少多以衡平輕重以律均清濁以名稽虛實以法定治亂以簡制煩或以易御險難萬事皆歸於一百度皆準於法歸一者簡之至準法者易之極如此則頑嚚聾瞽可與察惠聰明同治矣天下萬事不可備能責其備能於一人則賢聖其猶

病諸設一人能備能天下之事則左右前後之宜遠近遲疾之間必有不兼者焉苟有不兼於治闕矣全治而無闕者大小多少各當其分農商工仕不易其業則處上者何事哉有理而無益於治者君子不言有能而無益於事者君子弗爲君子非樂有言有益於治不得不言君子非樂有爲有益於事不得不爲故所言者不出於名法權術所爲者不出

於農稼軍陣周務而已故明主任之治外之
理小人之所必言事外之能小人之所必為
小人亦知言有損於治而不能不言小人亦
知能有損於治而不能不為故所言者極於
儒墨是非之辨所為者極於堅僞偏抗之行
求名而已故明主誅之故古語曰不知無害
為君子知之無損為小人工匠不能無害於
巧君子不知無害於治此言信矣為善使人

不能得從為巧使人不能得為此獨善獨巧
者也未盡巧善之理為善與眾行之為巧與
眾能之此善之善者巧之巧者故所貴聖人
之治不貴其獨治貴其能與眾共治也所貴
工倕之巧不貴其獨巧貴其與眾共巧也今
世之行欲獨賢事欲獨能辨欲出羣勇欲絕
眾獨行之賢不足以成化獨能之事不足以
同務出羣之辨不可為戶說絕眾之勇不可

與征陣凡此四者亂之所由生是以聖人任道以通其嶮立法以理其差使賢愚不相棄能鄙不相遺則能鄙齊功賢愚不相弃則賢愚等慮此至治之術也名定則物不競分明則私不行物不競非無心由名定故無所厝其心私不行非無欲由分明故無所厝其欲然則心欲人人有之而得同於無心無欲者制之有道也彭蒙曰雉菟在野衆逐之分未

定也雞豕滿市莫有志者分定故也圓者之轉非能轉而轉不得不轉也方者之止非能止而止不得不止也因圓者之自轉使不得止因方者之自止使不得轉何苦物之失分故因賢者之有用使不得不用因愚者之無用使不得用用與不用皆非我也因彼可用與不可用而自得其用也自得其用奚患物之亂也道行於世則貧賤者不怨富貴者不

驕愚弱者不懾智勇者不矜足於分也法行於世則貧賤者不敢怨富貴富貴者不敢凌貧賤愚者不敢怨真智勇者不敢鄙愚弱此法之不及道也世之所貴同而貴之謂之俗世之所用同而用之謂之物苟違於人俗所不與苟枝於衆俗所共去故人心皆殊而爲行若一所好各異而資用必同此俗所齊物之所飾故所齊不可不慎所飾不可不

擇昔齊桓好衣紫合境不鬻異絲楚莊愛細腰一國皆有飢色上之所率下乃治亂之所由也國亂有三事年飢民散無食以聚之則亂治國無法則亂有法而不能用則亂有食以聚民有法而能行國不治未之有也

聖人

仁義禮樂名法刑賞凡此八者五帝三王治世之術也故仁以導之義以宜之禮以行之

樂以和之名以正之法以齊之刑以威之賞
以勸之故仁者所以博施於物亦所以生偏
私義者所以立節行亦所以成華僞禮者所
以行謹敬亦所以生惰慢樂者所以和情志
亦所以生滯放名者所以正尊卑亦所以生
矜篡法者所以齊衆異亦所以生乖分刑者
所以威不服亦所以生陵暴賞者所以勸忠
能亦所以生鄙爭凡此八術無隱於人而常

存於世非自顯於堯湯之時非故逃於桀紂
之朝用得其道則天下治用失其道則天下
亂過此而往雖彌綸天地纏絡萬品治道之
外非羣生所食挹聖人措而不言也

凡國之將存亡有六徵有衰國有亂國有亡
國有昌國有強國有治國所謂亂亡之國者
凶虐殘暴不與焉所謂強治之國者威力仁
義不與焉君年長多妾媵少子孫疏宗強衰

國也君寵臣臣愛君公法廢私欲行亂國也
國貧小家富大君權輕臣勢重亡國也凡此
三徵不待凶虐殘暴而後弱也雖曰見存吾
必謂之亡者也內無專寵外無近習支庶繁
息長幼不亂昌國也農桑以時倉廩充實兵
甲到利封疆修理強國也上不能勝其下下
不能犯其上上下下不相勝犯故禁令行人人
無私私雖經嶮易而國不可浸治國也凡此

三徵不待威力仁義而後強雖曰見弱吾必
謂之存者也語曰佞辯可以熒惑鬼神探人
之心度人之欲順人於嗜好而弗敢逆納於
人邪惡而求利人喜聞己之美也善能揚之
惡聞己之過也而善能飾之得之於眉睫之
間承之於言行之先世俗之人聞譽則悅聞
毀則戚此衆人之大情有同己則喜異己則
怒此人之大情故佞人善爲譽者也善順從

者也人言是亦是之人言非亦非之從人之
所愛隨人之所憎故明君雖能納正直未必
親正直雖能遠佞人未必能疏佞人故舜禹
者以能不用佞人亦未必憎佞人語曰佞辯
惑物舜禹不能得憎不可不察乎

老子曰民不畏死如之何其以死懼之凡人
之不畏死由刑罰過刑罰過則民不賴其生
生無所賴視君之威未如也刑罰中則民畏

死畏死由生之可樂故可以死懼矣此人君
之所宜執臣下之所宜懼之

田子曰人皆自爲而不能爲人故君人者之
使人使其自爲用而不使爲我用魏下先生
曰善哉田子之言古者君之使臣求不私愛
於己求顯忠於己而居官者必能臨陣者必
勇祿賞之所勸名法之所齊不出於己心不
利於己身語曰祿薄者不可與經亂賞輕者

不可與入難此處上者所宜慎者也父之於子也令有必行者有不必行者去貴妻賣愛妾此令必行者也因曰汝無敢恨汝無敢思令必不行者也故爲人上者必慎所令焉人貧則怨人富則驕人怨人者苦人之不祿施於己也起於情所難安而不能安猶可恕也驕人者無所苦而無故驕人此情所易貴弗能貴不可恕矣貧賤之望富貴甚微而富貴

不能酬其甚微之望夫富者之所惡貧者之所美貴者之所輕賤者之所榮然而弗酬不與同苦樂故也雖不酬之於我弗傷今萬民之望人君亦如貧賤者之望富貴其所望者蓋欲料長幼平賦斂時其飢寒省其疾痛賞罰不濫使役以時如此而已則於人君弗損也然而弗酬弗與同勞逸故也故爲人君不可不與人同勞逸焉故富貴者不可不酬貧

賤而人君不可不酬萬民則萬民之所不願
戴所不願戴君位替矣危莫甚焉禍莫大焉

莊子

胙篋

昔者容成氏大庭氏伯皇氏中央氏栗陸氏
驪畜氏軒轅赫氏胥氏尊盧氏祝融氏伏戲
氏神農氏當之時民結繩而用之足以紀甘

其食美其服

適故常甘當故常美若思夫侈靡則無時兼意矣

樂其

俗安其居隣國相望雞犬之音相聞人至老

死而不相往來

無求之至

若此之時則至治已今

遂至使民延頸舉踵曰某所有賢者贏糧而
趣之則內弃其親而外弃其主之事足迹接

乎諸侯之境車軌結乎千里之外

至治之迹猶致其弊

則是上之好智之過也

上謂至治之君智而好之則有斯過矣

上誠好智而無道天下大亂矣何以知其然
耶夫弓弩畢弋機變之智多則鳥亂於上鈞

餌罟罾芻之智多則魚亂於水矣削格羅

落罝罟之智多則獸亂於澤矣政之逾密避

獸猶不可圖之以智而况人哉故治天下者唯不任知任知則無妙也智詐同

異之變多則俗惑於辯矣上之所多者下不能安其少也性少

而以逐多則迷矣

天地

堯觀乎華封華封人曰嘻聖人請祝聖人使

聖人壽堯曰辭使聖人富堯曰辭使聖人多

男子堯曰辭封人曰壽富多男子之人所欲

也汝獨不用何堯曰多男子則多懼富則多

事壽則多辱是三者皆非所以養意故辭封

人曰始也以汝為聖人也今然君子也天生

烝民必授之職多男子而授之職則何懼之

有物皆得所而志定富而使人分之則何事之有寄

天下故無事也聖人鵠居無事而期安也而穀食仰物而足鳥行

而無章率性而動無常迹也天下有道則與物皆昌天

下無道則修德就閒

雖湯武之事苟順天應人未為不間故無為而

無不為者非不間也

千歲厭世去而上僊

夫志人極壽命之長短任

窮理之變其生也天行其死物化故云厭世而上仙

乘彼白雲至于帝

鄉氣之散無不至之

三患莫至身常無殃則何辱之

有

堯治天下伯成子高立為諸侯堯授舜舜授

禹伯成子高辭為諸侯而耕禹往見之則耕

在野禹趨就下風立而問焉曰昔堯治天下

吾子立為諸侯堯授舜舜授予而吾子辭為

諸侯而耕敢問其故何也子高曰昔堯治天

下不賞而民勸不罰而民畏今子賞罰而民

且不仁德自此衰刑自此立後世之亂自此

始矣

天運

夫帝王之德以天地為宗以道德為主以無

為為常無為也則用天下而有餘

有餘者閑暇之謂也

有為也則為天下用而不足

不足者汲汲然欲為物用者也

欲為物用故可得而以此

故古之人貴夫無為也上無為

也下亦無為也是下與上同德也下與上同

德則不臣下有為也上亦有為也是上與下

同道也上與下同道則不主

夫工人無為於刻木而有為於

用斧主上無為於親事而有為於用臣臣能親事主能用臣斧能刻木而工能用斧各當

其能則天理自然非有為也若乃主代臣事則非主矣臣秉主用則非臣也故各司其任

則上下咸得而無為之理至矣

上必無為而用天下下必有

為為天下用此不易之道故古之王天下

者智雖落天地不自慮也辨雖雕萬物而不

自說也能雖窮海內不自為也

夫在上者患於不能無為

也而代人臣之所司使咎繇不得行其明斷后稷不得施其播殖則辟才失其任而主上

困於役矣冕旒垂目而付之天下天下皆得其自為斯乃無為而無不為者也故上下皆

無為矣但上之無為則下用下之無為則自用矣

天不產而萬物化

地不長而萬物育

所謂

帝王無為而天下功

成彼成

故曰莫神於天莫富於地莫大於帝

王故曰帝王之德配天地同乎天地之無爲也此乘天

地馳萬物而用人羣之道也本在於上末在

於下要在主詳在於臣三軍五兵之運德之

末也賞罰利害五刑之辟教之末也禮法數

度刑名比詳治之末也鐘鼓之音羽旄之容

樂之末也哭泣衰經降殺之服哀之末也此

五末者須精神之運心術之動然後從者也

夫精神心術者五末之本也任自然而運動則五事之末不振而自舉也未舉古

之人有之而非所以先也所先者本也君先而臣

從長先而少從男先而女從夫尊卑先後天

地之行也故聖人取象焉言此先後雖是人事然皆在至理中

來非聖人之所作也天尊地卑神明之位也春夏秋冬

四時之序也萬物化作盛衰之殺變化之流

也夫天地至神也而有尊卑先後之序而况

人道乎明夫尊卑先後之序固有物之不能無也宗廟尚親朝

廷尚尊鄉黨尚齒行事尚賢大道之序也非言

但人倫之所尚也愚智處宜貴賤履位官各當其才也必分

其能無相易業必由其名名當其實故由名而實不盪也以此事

上以此畜下以此治物以此修身智謀不用

必歸其天此之謂太平治之至也禮法數度

刑名比詳古之人有之此下之所以事上非

上之所以畜下也寄此事於群下斯乃畜下者也昔者舜問

於堯曰天王之用心何如堯曰吾不傲無告

無告者所謂頑民也不廢窮民恒加恩也苦死者嘉孺子而

哀婦人此吾所以用心已舜曰美則美矣而

末大也堯曰然則何如舜曰天德而出寧與天

合德則雖出而靜也日月照而四時行若晝夜之有經

雲行雨施矣此皆不為而自然者也堯曰子天之合也

我人之合也夫天地者古之所大也而黃帝

堯舜之所共美也故古之王天下者奚為哉

天地而已矣

知北遊

聖人行不言之教任其自行斯道不可致也

道在自然非可言致也失道而後德失德而後仁失仁

而後義失義而後禮禮者道之華亂之首也

禮有常則故矯效之所由生也故曰為道者日損損華也損之

又損之以至於無為而無不為也華去而朴全則雖為

而非為也天地有大美而不言四時有明法而不

議萬物有成理而不說此孔子之所欲無言聖人無

為任其自為而已大聖不作唯因任也觀於天地之謂也

觀其形容象其物宜與天地無異者

徐無鬼

黃帝將見太隗乎具茨之山方明為御昌寓

騶乘張若謂虜前馬昆閻滑稽後車至襄城

之野七聖皆迷無所問塗適遇牧馬童子問

塗焉曰若知具茨之山乎曰然曰知大隗之

所存乎曰然黃帝曰異哉小童非徒知具茨

之山又知大隗之所存請問為天下小童曰

夫爲天下者亦何以異乎牧馬者哉亦去其
害馬者而已矣馬既過
分爲害黃帝再拜稽首稱天
師而退

尉繚子

天官

梁惠王問尉繚曰吾聞黃帝有刑德可以百
戰百勝其有之乎尉繚曰不然黃帝所謂刑
德者以刑伐之以德守之非世之所謂刑德

也世之所謂刑德者天官時日陰陽向背者
也黃帝者人事而已矣何以言之今有城於
此從其東西攻之不能取從其南北攻之不
能取此四者豈不得順時乘利者哉然不能
取者何城高池深兵戰備具謀而守之也若
乃城下池淺守弱可取也猶是觀之天官時
日不若人事也故按刑德天官之陳曰背水
陳者爲絕紀向坂陳者爲廢軍武王之伐紂

也背濟水向山之阪以萬二千人擊紂之億
有八萬人斷紂頭懸之白旗紂豈不得天官
之陳哉然不得勝者何人事不得也黃帝曰
先誓已智者謂之天子以是觀之人事而已
矣

兵談

王者民望之如日月歸之如父母歸之如流
水故曰明乎禁舍開塞其取天下若化故曰

國貧者能富之地不任者任之四時不應者
能應之故夫土廣而任則其國不得無富民
衆而制則其國不得無治且富治之國兵不
發刃甲不出暴而威服天下矣故曰兵勝於
朝廷勝於喪絕勝於土功勝於市井暴甲而
勝將勝也戰而勝臣勝也戰再勝當一敗十
萬之師出費日千金故百戰百勝非善之善
者也不戰而勝善之者也

戰威

令所以一衆心也不審所出則數變數變則
令雖出衆不信也出令之法雖有小過毋更
小疑毋申事所以待衆力也不審所動則數
變數變則事雖起衆不安也動事之法雖有
小過毋更小難毋戚故上無疑令則衆不二
聽動無疑事則衆不二志古率民者未有不
能得其心而能得力者也未有不能得其力

而能致其死者也故國必有禮信親愛之義
而後民以飢易飽國必有孝慈廉耻之俗而
後民以死易生故古率民者必先禮信而後
爵祿先廉耻而後刑罰先親愛而後託其身
焉民死其上如其親而後申之以制古爲戰
者必本氣以厲志厲志以使四枝四枝以使
五兵故志不厲則士不死節士不死節雖衆
不武厲士之道民之所以生不可不厚也爵

列之等死喪之禮民之所以營也不可不顯也必因民之所生以制之因其所營以顯之因其所歸以固之田祿之實飲食之糧親戚同鄉鄉里相勸死喪相救丘墓相從民之所以歸不可不速也如此故什伍如親戚阡陌如朋友故止如堵墻動如風雨車不結軌士不旋踵此本戰之道也地所以養民也城所以守地也戰所以守城也故務耕者其民不

飢務守者其地不危務戰者其城不圍三者先王之本務也而兵最急矣故先王務尊於兵尊於兵其本有五委積不多則事不行賞祿不厚則民不勸武士不選則士不強備用不便則士橫刑誅不必則士不畏先王務此五者故靜能守其所有動能成其所欲王國富民霸國富士僅存之國富大夫亡國富倉府是謂上溢而下漏故患無所付故曰舉賢


用能不時日而事利明法審令不卜筮而事
吉貴政養勞不禱祠而得福故曰天時不如
地利地利不如人事聖人所貴人事而已矣
勤勞之事將必從己先敵暑不立蓋寒不重
裘有登降之險將必下步軍井通而後飲軍
食熟而後食壘成而後舍軍不畢食亦不火
食飢飽勞逸寒暑必身度之如此則師雖久
不老雖老不弊故軍無損卒將無惰志

兵令

兵者凶器也戰者逆德也爭者事之末也王
者所以伐暴亂而定仁義也戰國所以立威
侵敵也弱國所以不能廢兵者以武為植以
文為種以武為表以文為裏以武為外以文
為內能審此三者知所以勝敗矣武者所以
凌敵分死生也文者所以覘利害觀安危武
者所以犯敵也文者所以守之也兵用文武

也如響應聲也如影之隨身將有威則生無
威則死有威則勝無威則敗卒有將則鬪無
將則北有將則死無將則辱威者賞罰之謂
也卒畏將於敵者戰勝卒畏敵於將者戰北
夫戰而知所以勝敗者固稱將於敵也敵之
與將也猶權衡之也將之於卒也非有父母
之惻血膚之屬六親之私然而見敵走之如
歸前雖有千刃之谿不測之淵見入湯火如

蹈者前見全明之賞後見必死之刑也將之
能制士卒其在軍營之內行陳之間明慶賞
嚴刑罰陳斧鉞飾章旗有功必賞犯令必死
及至兩敵相至行陳薄近將提抱而鼓之存
亡生死存抱之端矣雖有天下善者不能圖
大鼓之後矣



三十一

三十一

